



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Broj: T09 0 KTKV 0173366 24
Sarajevo, 18.11.2024. godine

KANTONALNI SUD U SARAJEVU
Sudiji za prethodno saslušanje

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine (ZKP F BiH), **p o d i ž e m**

OPTUŽNICU

Protiv:

- 1. NIJAZ SALAMOVIĆ**, rođen 1983. godine, JMBG, po narodnosti Bošnjak, državljanin BiH, prijavljen na adresi, završio VSS, po zanimanju dipl.ekonomista, zaposlen, direktor u KJKP „RAD“ d.o.o. Sarajevo, oženjen – otac troje maloljetne djece, srednjeg imovnog stanja, neosuđivan, prema kojem su rješenjem Kantonalnog suda u Sarajevu od 17.10.2024. godine, izrečene mjere zabrane preduzimanja službenih dužnosti iz člana 140a. stav 1. tačka a) ZKP FBiH,
- 2. VERA ARNAUTOVIĆ**, rođena 1958. godine, JMBG, prijavljena na adresi, državljanka BiH, po narodnosti Bosanka, završena VSS- Pravni fakultet, u penziji, udata, majka troje djece, srednjeg imovnog stanja, neosuđivana, ne vodi se drugi krivični postupak protiv nje;
- 3. REUF SULEJMANOVIĆ**, nadimka „Refa“, rođen 1972. godine, po narodnosti Bošnjak, državljanin BiH, JMBG:, prijavljen na adresi, oženjen – otac dvoje djece od kojih je jedno malodobno, završena VSS- konomski fakultet, diplomirani ekonomista, zaposlen u Željeznicama FBiH, dobrog imovnog stanja, neosuđivan, prema kojem su rješenjem Kantonalnog suda u Sarajevu od 17.10.2024. godine, izrečene mjere zabrane preduzimanja službenih dužnosti iz člana 140a. stav 1. tačka a) ZKP FBiH,
- 4. LEJLA DRAGNIĆ**, rođena 1951. godine, JMBG, prijavljena na adresi, boravi i na adresi, državljanka BiH, po narodnosti Bosanka, po zanimanju magistar ekonomije, u penziji, nije udata, bez djece, lošeg imovnog stanja, neosuđivana, ne vodi se drugi krivični postupak protiv nje;
- 5. MIRZA MUJARIĆ**, rođen 1989. godine, JMBG, prijavljen na adresi, državljanin BiH, po narodnosti Bošnjak, po zanimanju magistar ekonomskih nauka, zaposlen, vlasnik obrta „Crevisio“, oženjen, otac dvoje maloljetne

djece, dobrog imovnog stanja, neosuđivan, ne vodi se drugi krivični postupak protiv njega;

6. **ADELINA DŽANKOVIĆ**, rođena 1971. godine, JMBG, prijavljena na adresi, državljanka BiH, po narodnosti Bosanka, završila VSS- Pravni fakultet, po zanimanju diplomirani pravnik, zaposlena u Općini Centar kao sekretar organa uprave, udata, majka dvoje djece, srednjeg imovnog stanja, neosuđivana, ne vodi se drugi krivični postupak protiv nje;
7. **EDIN SALAMOVIĆ**, rođen 1990. godine, JMBG, prijavljen na adresi, državljanin BiH, po narodnosti Bošnjak, završio VSS- Ekonomski fakultet, po zanimanju diplomirani ekonomista, zaposlen u pravnom licu „Herbal group“ d.o.o. Sarajevo, oženjen, otac dvoje maloljetne djece, srednjeg imovnog stanja, neosuđivan, ne vodi se drugi krivični postupak protiv nje;
8. **ENISA SALAMOVIĆ**, rođena 1986. godine, JMBG, prijavljena na adresi, državljanka BiH, po narodnosti Bošnjakinja, završena VSS- Fakultet islamskih nauka, zaposlena u pravnom licu „Cluthe Adria“ d.o.o. Sarajevo, osnivač i direktor pravnog lica „Dilber“ d.o.o. Sarajevo, udata, majka troje maloljetne djece, srednjeg imovnog stanja, neosuđivana, ne vodi se drugi krivični postupak protiv nje.

Što su:

Nijaz Salamović, Vera Arnautović, Reuf Sulejmanović, Lejla Dragnić, Mirza Mujarić, Adelina Džanković, svi kao službene osobe u Federaciji BiH u skladu sa članom 2. stav 3. KZ FBiH, i to **Nijaz Salamović** kao v.d. člana Nadzornog odbora KJKP „RAD“ Sarajevo d.o.o. u periodu od 22.02.2021. do 28.04.2021. godine, imenovan Rješenjem Skupštine KJKP „RAD“ d.o.o. Sarajevo od 22.02.2021. godine, te v.d. izvršnog direktora Sektora za ekonomske i pravne poslove KJKP „RAD“ d.o.o. Sarajevo u periodu od 06.05.2021. godine do 27.09.2023. godine, te v.d. direktora KJKP „RAD“ d.o.o. Sarajevo, u periodu od 28.09.2024. godine do 19.02.2024. godine, na koju poziciju je imenovan Odlukom Nadzornog odbora donesnoj na 20. hitnoj sjednici Nadzornog odbora od 26.09.2024. godine a potom od 20.02.2024. godine kao direktor KJKP „RAD“ d.o.o. Sarajevo, na koju poziciju ga je imenovao Nadzorni odbor Društva, odlukom od 19.02.2024. godine; **Vera Arnautović** kao v.d. direktora KJKP „RAD“ d.o.o. Sarajevo u periodu od 21.03.2021. godine do 27.09.2023. godine, imenovana odlukama Nadzornog odbora KJKP „RAD“ d.o.o. Sarajevo od 22.03.2021. godine, od 17.09.2021. godine, od 22.03.2022. godine, od 21.09.2022. godine, od 22.03.2023. godine; **Reuf Sulejmanović** kao v.d. predsjednika Nadzornog odbora KJKP „RAD“ d.o.o. Sarajevo u periodu od 22.02.2021. godine do 01.10.2021. godine, imenovan Rješenjem Skupštine KJKP „RAD“ d.o.o. Sarajevo od 22.02.2021. godine a od 01.10.2021. godine do 05.04.2024. godine predsjednik Nadzornog odbora, u skladu sa Odlukom Skupštine KJKP „RAD“ d.o.o. Sarajevo od 01.10.2021. godine i Odlukom Skupštine Društva o razriješenju od 05.04.2024. godine; **Lejla Dragnić** kao v.d. člana Nadzornog odbora KJKP „RAD“ d.o.o. Sarajevo u periodu od 22.02.2021. godine do 01.10.2021. godine, imenovana Rješenjem Skupštine KJKP „RAD“ d.o.o. Sarajevo od 22.02.2021. godine a od 01.10.2021. godine do 05.04.2024. godine

član Nadzornog odbora, u skladu sa Odlukom Skupštine KJKP „RAD“ d.o.o. Sarajevo od 01.10.2021. godine i Odlukom Skupštine Društva o razriješenju od 05.04.2024. godine; **Mirza Mujarić** kao v.d. člana Nadzornog odbora KJKP „RAD“ d.o.o. Sarajevo u periodu od 28.04.2021. godine do 01.10.2021. godine, imenovan Rješenjem Skupštine KJKP „RAD“ d.o.o. Sarajevo od 28.04.2021. godine a od 01.10.2021. godine do 05.04.2024. godine kao član Nadzornog odbora, u skladu sa Odlukom Skupštine KJKP „RAD“ d.o.o. Sarajevo od 01.10.2021. godine i Odlukom Skupštine Društva o razriješenju od 05.04.2024. godine, te **Adelina Džanković** kao punomoćnik Vlade KS, član Skupštine KJKP „RAD“ d.o.o. Sarajevo na osnovu Odluke Vlade KS od 03.06.2021. godine:

Nijaz Salamović, Vera Arnautović, Reuf Sulejmanović, Lejla Dragnić i Mirza Mujrić

1. Nakon što je dana 16.04.2021. godine, u Sarajevu, Nijaz Salamović Skupštini KJKP „RAD“ d.o.o. Sarajevo (dalje u tekstu: Društvo) podnio ostavku na mjesto v.d. člana Nadzornog odbora Društva, navodeći kao razlog za ostavku prelazak na novu dužnost te nakon što je na vanrednoj sjednici Skupštine Društva održanoj 28.04.2021. godine razriješen navedene funkcije, Vera Arnautović, kao v.d. direktora Društva, postupajući suprotno interesima i ciljevima službe, u namjeri da Salamović Nijazu pribavi korist u vidu rukovodne funkcije u Društvu, dana 30.04.2021. godine, svjesno i htijući iskoristila svoja ovlaštenja iz člana 46. i 57. tačka f) Statuta Društva, broj 14520/17 od 25.07.2017. godine (dalje u tekstu: Statut), kojima je propisano da direktor rukovodi poslovanjem i da je odgovoran i nadležan da odlučuje o potrebi za radom, i uputila Nadzornom odboru Prijedlog v.d. izvršnih direktora, broj, svjesno i htijući ne obavivši svoju dužnost iz člana 276. stav 1. Zakona o privrednim društvima FBiH (Sl.glasnik FBiH, broj 75/13) i člana 46. Statuta kojim je propisano da direktor odgovara za zakonitost poslovanja i rada, znajući da Nijaz Salamović ne ispunjava uslove za v.d. izvršnog direktora Društva i da postoje smetnje za njegovo imenovanje, odnosno znajući da Nijaz Salamović ne ispunjava uslove iz člana 51. stav 2. Statuta kojim je propisano da izvršni direktori „*moraju imati radni staž u trajanju od najmanje pet godina u struci, od čega najmanje tri godine na rukovodnim poslovima nakon sticanja univerzitetske diplome*, odnosno da nema najmanje tri godine radnog staža na rukovodnim poslovima, o čemu ju je Nijaz Salamović obavijestio prije nego je imenovan za v.d. izvršnog direktora i znajući da postoje smetnje za njegovo imenovanje iz člana 49. stav 1. tačka c) Statuta kojom odredbom je propisano da „*za člana Uprave ne mogu biti imenovana lica koja vrše funkciju predsjednika ili člana nadzornog odbora ili uprave drugog društva ili institucije*“ a što je proizlazilo i iz biografije u kojoj je Nijaz Salamović naveo da je trenutno odnosno od 2013. godine vlasnik i direktor pravnog lica „Dilber“ d.o.o. Sarajevo, koju biografiju je dostavio Društvu i koja je putem emaila dostavljena i v.d. direktorici Društva, Arnautović Veri, i v.d. predsjedniku, Sulejmanović Reufu, i v.d. članovima Nadzornog odbora, Dragnić Lejli i Mujarić Mirzi, prije sjednice Nadzornog odbora Društva, koja je održana 05.05.2021. godine i na kojoj su prisustvovali Vera Arnautović, Reuf Sulejmanović, Lejla Dragnić i Mirza Mujarić, a na kojoj sjednici je konstatovano da su biografiju (CV) Salamović Nijaza svi zaprimili putem emaila te je ista na sjednici i pročitana da bi Reuf Sulejmanović, Lejla Dragnić i Mirza Mujarić, svjesno i htijući to, u namjeri da Salamović Nijazu pribave korist u vidu rukovodne pozicije u Društvu,

iskoristili svoja ovlaštenja v.d. predsjednika i v.d. članova Nadzornog odbora iz člana 53. stav 2. Statuta kojim je propisano da „vršioca dužnosti člana Uprave imenuje Nadzorni odbor na period od šest mjeseci bez provođenja javnog konkursa“ te svjesno i htijući to, nisu obavili svoju dužnost iz člana 35. Statuta kojom je propisano da su „dužni raditi s dužnom pažnjom i brigom i svoje obaveze i odgovornosti izvršavati u najboljem interesu preduzeća, te postupati u skladu sa važećim propisima i odredbama ovog Statuta“, jednoglasno glasali za imenovanje Nijaza Salamovića za v.d. izvršnog direktora za ekonomske i pravne poslove iako su znali da je isti direktor drugog pravnog lica, što predstavlja smetnju za imenovanje shodno članu 49. stav 1. tačka c) Statuta, te bez dokaza da isti ima najmanje tri godine radnog staža na rukovodnim poslovima, svjesni da je iz biografije Salamović Nijaza proizilazilo da je isti obavljao poslove komercijaliste u drugim pravnim licima na puno radno vrijeme, u isto vrijeme za koje je naveo da je bio direktor pravnog lica „Dilber“, na koji način su mu Vera Arnautović, Reuf Sulejmanović, Lejla Dragnić i Mirza Mujarić pribavili korist u vidu imenovanja na rukovodnu funkciju odnosno kao v.d. izvršnog direktora za ekonomske i pravne poslove, nakon čega je Vera Aranautović, svjesno i htijući iskristila svoja ovlaštenja iz člana 55. stav 2. Statuta kojim je propisano da se „položaj, ovlaštenja, odgovornost i prava člana Uprave uređuju ugovorom između direktora Preduzeća i člana Uprave“ te dana 06.05.2021. godine zaključila sa Nijazom Salamovićem Ugovor o radu broj na period od šest mjeseci, iako je Nijaz Salamović, neutvrđenog datuma nakon što je imenovan, KJKP „RAD“ d.o.o. Sarajevo dostavio ovjerenu kopiju dokumentacije o ispunjavanju uslova za izvršnog direktora, a koja dokumentacija je činila njegov lični dosije, među kojom i: Uvjerenje o podacima registrovanim u matičnoj evidenciji Federalnog zavoda za PIO/MIO od 13.04.2021. godine iz koje proizilazi da isti ima radni staž u pravnim licima Adas d.o.o. Sarajevo, Gorenje Commerce d.o.o. Sarajevo te u CT Computers d.o.o. Sarajevo, u kojem pravnom licu je u vrijeme izdavanja potvrde bio u radnom odnosu te da nema radni staž kao direktor pravnog lica „Dilber“ d.o.o. Sarajevo; potom Izjavu od 05.05.2021. godine koju je dao pod punom moralnom, materijalnom i krivičnom odgovornošću da nije u sukobu interesa za obavljanje funkcije izvršnog direktora KJKP „RAD“ d.o.o. Sarajevo te je, imajući svojstvo direktora pravnog lica „Dilber“ d.o.o. Sarajevo, kao odgovorna osoba u navedenom pravnom licu upotrijebio krivotvorenu službenu ispravu- Uvjerenje pravnog lica „Dilber“ d.o.o. Sarajevo od 15.04.2021. godine, a kojim uvjerenjem se dokazuju činjenice iz poslovne evidencije pravnog lica i koja ima značaj za pravne odnose, u kojem je navedeno da je bio „komercijalni direktor od 23.01.2013. godine do 04.08.2020. godine te direktor u periodu od 05.08.2020. godine do 15.04.2021. godine, na koji način je stekao radni staž u trajanju od 8 godina 2 mjeseca i 22 dana“, svjestan da nema ni jedan dan radnog staža na rukovodećem mjestu i da navedena potvrda sadrži neistinite podatke jer nikada nije bio komercijalni direktor niti je sa pravnim licem „Dilber“ ikada zaključio ugovor o radu ili menadžerski ugovor za radno mjesto komercijalnog direktora niti je ostvario radni staž obavljajući poslove komercijalnog direktora i direktora i da stoga predstavlja krivotvorenu službenu ispravu, te je imajući svojstvo osobe ovlaštene za zastupanje pravnog lica „Dilber“ d.o.o. Sarajevo svjesno i htijući istu upotrijebio kao dokaz da ispunjava uslove u pogledu radnog staža na rukovodnim poslovima za radno mjesto izvršnog direktora u KJKP „RAD“ d.o.o. Sarajevo, sve u cilju zasnivanja radnog odnosa u KJKP „RAD“ d.o.o. Sarajevo na rukovodnoj funkciji i

ostvarivanju imovinske koristi koja iz toga proizilazi, pa su predsjednik i članovi Nadzornog odbora, nakon isteka šest mjeseci na koji period je Nijaz Salamović bio imenovan, svjesno i htijući iskoristili svoja ovlaštenja iz člana 53. stav 2. Statuta i dana 05.11.2021. godine donijeli Odluku o izmjeni odluke o imenovanju vršioca dužnosti izvršnog direktora za ekonomske i pravne poslove u KJKP „RAD“ d.o.o. Sarajevo, kojom se mijenja Odluka o imenovanju vršioca dužnosti izvršnog direktora od 05.05.2021. godine na način da se mijenja dio u tački 1. sa tekstom „počev od 06.11.2021. godine“, te u tački II sa tekstom „na period do 6 mjeseci ili do okončanja konkursne procedure“ na osnovu kojih odluka je Nijaz Salamović u periodu od 06.05.2021. godine do 31.12.2021. godine obavljao poslove v.d. izvršnog direktora za ekonomske i pravne poslove, svi svjesni i znajući da Nijaz Salamović ne ispunjava uslove za v.d. izvršnog direktora Društva koji su propisani članom 51. stav 2. Statuta KJKP „RAD“ u pogledu radnog staža na rukovodnim funkcijama i da postoji smetnja za obavljanje funkcije iz člana 49. Statuta, na koji način je Nijaz Salamović upotrebom krivotvorene službene isprave svjesno i htijući to, u namjeri da sebi pribavi korist u vidu radnog mjesta izvršnog direktora javnog preduzeća i imovinsku korist koja proizilazi iz obavljanja te funkcije, a potom svjestan i znajući da je članom 43. tačka p) i q) Statuta Društva propisano da je Uprava nadležna i odgovorna da provodi zakon, druge propise, Statut, Etički kodeks i druge akte Društva, da je članom 51. stav 2. Statuta propisano da izvršni direktor mora imati najmanje tri godine radnog staža na rukovodnim poslovima, svjestan da nema traženi radni staž na rukovodnim poslovima te svjestan postojanja smetnji iz člana 49. stav 1. tačka c) Statuta, nije podnio ostavku i prestao obavljati funkciju v.d. izvršnog direktora Društva niti je podnio ostavku na mjesto direktora pravnog lica „Dilber“ d.o.o. Sarajevo, čime je svoj lični interes stavio ispred interesa javnog preduzeća, na koji način nije obavio svoju dužnost i provodio odredbe Statuta u skladu sa članom 43. tačka q) Statuta, i na koji način je sebi pribavio korist u vidu radnog odnosa na rukovodnoj funkciji i imovinsku korist za 2021. godinu u iznosu od 23.297,46 KM, na ime plata i naknada koje su mu isplaćene po osnovu navedene funkcije, koju nije smio obnašati i na koju nije imao pravo, a Vera Arnautović, Reuf Sulejmanović, Lejla Dragnić i Mirza Mujarić svjesno i sa htijenjem, iskorištavanjem svojih ovlaštenja i nevršenjem svojih dužnosti Nijazu Salamoviću pribavili korist u vidu radnog odnosa na rukovodnoj funkciji i imovinsku korist za 2021. godinu u iznosu od 23.297,46 KM, na ime plata i naknada koje su mu isplaćene po osnovu navedene funkcije, koju nije smio obnašati i na koju nije imao pravo.

Nijaz Salamović, Vera Arnautović, Reuf Sulejmanović, Lejla Dragnić, Mirza Mujarić i Adelina Džanković

2. Nakon što je dana 08.12.2021. godine, Ured za borbu protiv korupcije i upravljanje kvalitetom KS uputio akt broj predsjedniku Nadzornog odbora KJKP „RAD“ d.o.o. Sarajevo, Sulejmanović Reufu, i punomoćniku Vlade Kantona Sarajevo, Adelini Džanković, kojim je traženo dostavljanje informacije o imenovanju Salamović Nijaza za v.d. izvršnog direktora za ekonomske i pravne poslove i mišljenje o usklađenosti odredbi Zakona o privrednim društvima FBiH i Statuta društva sa odlukom o imenovanju, dana 28.12.2021. godine u Sarajevu je održana 5. vanredna sjednica Skupšine Društva, kojoj su prisutvovali Vera Arnautović, Reuf Sulejmanović, Lejla Dragnić, Mirza Mujarić i Adelina Džanković,

koja je i vodila sjednicu, na kojoj su svi članovi Nadzornog odbora, nakon što su se upoznali sa dokumentacijom iz ličnog dosijea Salamović Nijaza, jednoglasno konstatovali da se uslovi za imenovanje izvršnih direktora iz člana 51. Statuta Društva utvrđuju samo za stalno imenovanje a prilikom provođenja konkursne procedure, svjesno zanemarujući odredbe člana 53. stav 3. i 4. Statuta Društva kojima je propisano da „vršilac dužnosti člana Uprave ima sva prava i obaveze koje ima član Uprave“ i da se „vršilac dužnosti upisuje u sudski registar“ i da shodno tome vršilac dužnosti mora ispunjavati uslove propisane Statutom a kako bi mogao vršiti dužnosti za koje je odgovoran i nadležan u skladu sa članom 43. Statuta Društva te svjesno na Zapisnik sa održane sjednice nisu naveli da se među dokumentacijom, koju je Nijaz Salamović dostavio Društvu, nakon imenovanja za v.d. izvršnog direktora 05.05.2021. godine, nalazi i Uvjerenje o podacima registrovanim u matičnoj evidenciji Federalnog zavoda za PIO/MIO od 13.04.2021. godine iz kojeg proizilazi da isti ima radni staž u pravnim licima Adas d.o.o. Sarajevo, Gorenje Commerce d.o.o. Sarajevo te u CT Computers d.o.o. Sarajevo, u kojem pravnom licu je u vrijeme izdavanja potvrde u radnom odnosu te da nema radni staž kao direktor pravnog lica „Dilber“ d.o.o. Sarajevo odnosno da uopće nema radni staž na rukovodnim poslovima te pogrešno naveli da iz Uvjerenja pravnog lica „Dilber“ d.o.o. Sarajevo od 15.04.2021. godine proizilazi da Nijaz Salamović ispunjava uslove u pogledu radnog staža, svjesni da to nije tačno jer u Uvjerenju PIO-a tog radnog staža nema, a koji zaključak- da iz dokumentacije proizilazi da Nijaz Salamović ispunjava uslove za imenovanje na funkciju v.d. izvršnog direktora- je Adelina Džanković potvrdila, svjesna da jesu prekršene odredbe člana 49. stav 1. tačka c) i 51. stav 2. Statuta Društva, kojim odredbama je propisano da „za člana Uprave ne mogu biti imenovana lica koja vrše funkciju predsjednika ili člana nadzornog odbora ili uprave drugog društva ili institucije“ i da je uslov za imenovanje izvršnog direktora da ima „radni staž u trajanju od najmanje pet godina u struci, od čega najmanje tri godine na rukovodnim poslovima nakon sticanja univerzitetske diplome“, na koji način svjesno i htijući kao Skupština Društva- punomoćnik Vlade KS nije izvršila svoja ovlaštenja iz člana 25. tačka v) Statuta kojim je propisano da je „Skupština Preduzeća odgovorna i nadležna da odlučuje o drugim pitanjima utvrđenim zakonom i ovim Statutom“ a u vezi sa odredbama 49. stav 1. tačka c) i 51. Statuta, na koji način nije postupila u najboljem interesu Kantona Sarajevo koju obavezu je kao punomoćnik Vlade KS imala na osnovu člana 5. Odluke o vršenju ovlaštenja u privrednim društvima sa učešćem državnog kapitala iz nadležnosti Kantona Sarajevo od 24.07.2019. godine, a Reuf Sulejmanović, Lejla Dragnić i Mirza Mujarić svjesno i htijući nisu izvršili svoju dužnost propisanu članom 30. tačka o) Statuta u vezi sa članom 56. stav 1. tačka e) Statuta i razriješili Nijaza Salamovića zbog postojanja smetnji za obavljanje funkcije v.d. člana Uprave zbog neispunjavanja uslova u pogledu radnog staža na rukovodnim poslovima iz člana 51. stav 2. Statuta i zbog smetnje za imenovanje iz člana 49. stav 1. tačka c) Statuta a Vera Arnautović svjesno i htijući nije obavila svoju dužnost iz člana 276. stav 1. Zakona o privrednim društvima FBiH i iz člana 46. Statuta Društva kojom je propisano da direktor odgovara za zakonitost poslovanja i rada u Preduzeću, na koji način su svi svjesno i htijući to Salamović Nijazu pribavili korist u vidu rukovodne funkcije u Društvu te imovinsku korist koja proizilazi iz te funkcije, tako što su mu omogućili da ostane na funkciji v.d. izvršnog direktora za ekonomske i pravne poslove i stekne imovinsku korist po osnovu obavljanja funkcije koju nije mogao niti smio obnašati, a potom znajući da su prilikom njegovog

imenovanja prekršili članove 49. i 51. stav 2. Statuta Društva, dana 16.03.2022. godine na 11. sjednici Uprave Društva, kojoj su prisustvovali Vera Arnautović i Nijaz Salamović, isti iskoristili svoja ovlaštenja iz člana 43. tačka j) Statuta kojim je propisano da Uprava utvrđuje prijedloge općih akata iz nadležnosti Nadzornog odbora i donijeli zaključak kojim se utvrđuje prijedlog nacрта Odluke o izmjeni i dopuni Statuta KJKP „RAD“ d.o.o. Sarajevo, isti dostavili Nadzornom odboru, u sastavu Reuf Sulejmanović, Lejla Dragnić i Mirza Mujarić, koji je na 5. hitnoj sjednici održanoj 22.03.2022. godine, kojoj su prisustvovali i Nijaz Salamović i Vera Arnautović, utvrdio prijedlog Odluke o izmjeni i dopuni Statuta Društva, na kojoj sjednici je član Nadzornog odbora, Mirza Mujarić, pitao: „*Imali smo skoro onu situaciju sa izvršnim direktorom i mislim da je baš (radno) iskustvo bilo., jel' se to riješava s ovim?*“ na što mu je odgovoreno da se rješava, a koju Odluku je Skupština Društva na 7. vanrednoj sjednici održanoj 31.03.2022. godine i usvojila na koji način je izmijenjena odredba člana 50. stav 1. tačka b) Statuta tako što se riječi „*radnog staža u struci*“ zamjenjuju sa riječima „*radnog iskustva u struci*“ na koji način su svjesno i htijući to, iskorištavajući svoja ovlaštenja Nijaz Salamović pribavio sebi a Vera Arnautović, Adelina Džanković, Reuf Sulejmanović, Lejla Dragnić i Mirza Mujarić pribavili Salamović Nijazu korist u vidu ostanka na funkciji v.d. izvršnog direktora i imovinsku koristi koju je ostvarivao na ime obavljanja te funkcije koju nije smio obnašati a o kojim izmjenama Statuta su obavijestili i Ured za borbu protiv korupcije KS, nakon upita Ureda zašto su Salamović Nijazu produžili mandat iako ne ispunjava uslove predviđene Statutom, da bi dana 23.05.2022. godine na 2. redovnoj sjednici Nadzornog odbora, kojoj su prisustvovali osim predsjednika i članova Nadzornog odbora i Nijaz Selmanović i Vera Arnautović, naveli da je Nadzorni odbor u „*cilju korigovanja nepravilnosti koje je Ured za borbu protiv korupcije utvrdio prilikom imenovanja Nijaza Salamovića za v.d. izvršnog direktora za ekonomske i pravne poslove, a koje se odnose na ispunjavanje uslova za imenovanje utvrđene Statutom Društva kao i na postojanje sukoba interesa*“ jednoglasno donio odluku o razriješenju Nijaza Salamovića sa funkcije v.d. izvršnog direktora sa danom 31.05.2022. godine te su na istoj sjednici, u namjeri da Salamović Nijazu pribave korist u vidu rukovodeće funkcije i imovinske koristi koja iz toga proizilazi, svjesno i htijući iskoristili svoja ovlaštenja iz člana 53. stav 2. Statuta Društva i Salamović Nijaza opet imenovali za v.d. izvršnog direktora za ekonomske i pravne poslove počev od 01.06.2022. godine na period od 6 mjeseci ili do okončanja konkursne procedure, ne provjeravajući da li Nijaz Salamović ispunjava uslove odnosno da li ima najmanje tri godine radnog iskustva na rukovodnim poslovima a u skladu sa članom 51. stav 2. Statuta, nakon čega je Vera Arnautović svjesno i htijući iskoristila svoja ovlaštenja iz člana 55. stav 2. Statuta i sa Salamović Nijazom zaključila Ugovor o radu broj od 28.06.2022. godine a potom i Ugovor o radu broj od 02.12.2022. godine te Ugovor o radu broj od 02.06.2023. godine, svi na period od 6 mjeseci ili do okončanja konkursne procedure, na osnovu čega je Nijaz Salamović u periodu od 01.01.2022. godine do 27.09.2023. godine obavljao poslove v.d. izvršnog direktora za ekonomske i pravne poslove, svjestan i znajući da u periodu od 01.01.2022. godine do 31.03.2022. godine nije ispunjavao uslove za v.d. izvršnog direktora Društva koji su propisani članom 51. stav 2. Statuta Društva u pogledu radnog staža na rukovodnim funkcijama, odnosno da nema 3 godine radnog staža na rukovodnim poslovima, a da u periodu od 01.04.2022. godine do 27.09.2023. godine nije ispunjavao uslove propisane istim

članom izmijenjenog Statuta i da nema najmanje tri godine radnog iskustva na rukovodnim poslovima, u namjeri da sebi pribavi korist u vidu rukovodne funkcije i radnog mjesta v.d.izvršnog direktora javnog preduzeća i imovinsku korist koja proizilazi iz obavljanja te funkcije, dostavio Društvu uvjerenje pravnog lica „Dilber“ d.o.o. Sarajevo od 04.05.2022. godine koje je sadržavalo neistinite podatke o radnom iskustvu koje je ostvario na rukovodnoj poziciji komercijalnog direktora, svjestan da nikada tu funkciju nije obavljao niti je imao zaključen ugovor o radu ili menadžerski ugovor i da lažno prikazuje činjenice o ostvarenom radnom iskustvu na rukovodnim poslovima, svjestan i znajući da je članom 43. tačka p) i q) Statuta Društva propisano da je Uprava nadležna i odgovorna da provodi zakon, druge propise, Statut, Etički kodeks i druge akte Društva, da je članom 51. stav 2. Statuta propisano da izvršni direktor mora imati najmanje tri godine radnog iskustva na rukovodnim poslovima, svjestan da nema traženo radno iskustvo na rukovodnim poslovima, nije podnio ostavku i pretao obavljati funkciju v.d. izvršnog direktora Društva, čime je svoj lični interes stavio ispred interesa javnog preduzeća, na koji način nije obavio svoju dužnost i provodio odredbe Statuta u skladu sa članom 43. tačka q) Statuta, sve u cilju da ostane na rukovodnoj funkciji i ostvari imovinsku korist koja iz toga proizilazi, a Vera Arnautović, Reuf Sulejmanović, Lejla Dragnić, Mirza Mujarić i Adelina Džanković svjesno i htijući, na prethodno opisani način, iskorištavajući svoja ovlaštenja i ne obavljajući svoje dužnosti omogućili Salamović Nijazu ostanak na rukovodnoj poziciji na funkciji v.d. izvršnog direktora i imovinsku korist, po osnovu obavljanja funkcije v.d. izvršnog direktora za ekonomske i pravne poslove, koju nije smio obnašati i na koju nije imao pravo, a koja je u 2022. godini iznosila 36.049,13 KM a u 2023. godini, do 28.09.2023. godine, kada je imenovan za v.d. direktora Društva, 29.572,63 KM, te su članovi Nadzornog odbora svjesno produžavali mandat Salamović Nijazu 6 puta uzastopno bez da su Reuf Sulejmanović, Lejla Dragnić i Mirza Mujarić donijeli odluku o raspisivanju konkursa za direktora i izvršne direktore Društva na koji način nisu izvršili svoju obavezu iz člana 48. stav 2. statuta Društva kojom je propisano da „odluku o raspisivanju javnog konkursa za izbor i imenovanje članova Uprave donosi Nadzorni odbor najkasnije tri mjeseca prije isteka mandata“, a sve bez objektivnog razloga, sa namjerom da v.d. direktora, Vera Arnautović, osiguraju ostanak na funkciji do njenog odlaska u penziju a Salamović Nijazu omogućće sticanje potrebnog radnog iskustva na rukovodećoj poziciji, da bi tek 02.06.2023. godine, nakon što je Vera Arnautović stekla uslove za starosnu penziju, Nadzorni odbor pokrenuo proceduru raspisivanja konkursa za izbor i imenovanje direktora i članova Uprave KJKP „RAD“ d.o.o. Sarajevo,

na koji način je Nijaz Salamović u periodu od 06.05.2021. godine do 27.09.2023. godine po osnovu obavljanja funkcije v.d. izvršnog direktora za ekonomske i pravne poslove, koju nije smio obnašati i na koju nije imao pravo, sebi pribavio imovinsku korist u ukupnom iznosu od 88.919,22 KM na ime plata i naknada koje su mu isplaćene,

Nijaz Salamović, sam

3. Nijaz Salamović, u svojstvu v.d. izvršnog direktora u KJKP „Rad“ d.o.o. Sarajevo, na hitnoj sjednici Nadzornog odbora tog pravnog lica, koja je održana 26.09.2023. godine u Sarajevu,

prihvatio da bude imenovan od strane Nadzornog odbora za v.d. direktora Društva, a nakon što je Nadzorni odbor u sastavu Reuf Sulejmanović, Lejla Dragnić i Mirza Mujarić donio odluku da v.d. direktorici Veri Arnautović ne produži mandat u tom svojstvu, svjestan da ne ispunjava uslove iz člana 50. stav 1.tačka b) Statuta KJKP „Rad“ d.o.o. Sarajevo, broj 1498/23 od 20.01.2023. godine, kojim je propisano *da direktor mora imati najmanje osam godina radnog iskustva u struci od čega najmanje pet godina radnog iskustva na rukovodnim poslovima*, svjestan da nema radno iskustvo na rukovodnim poslovima u traženom trajanju, te u cilju da sebi pribavi imovinsku korist po osnovu obavljanja funkcije v.d. direktora Društva, Nadzorni odbor doveo u zabludu da ima radno iskustvo na rukovodnim poslovima u trajanju od najmanje pet godina, svjestan da lažno prikazuje činjenice i htijući to, kao dokaz o ispunjavanju uslova dostavio Društvu uvjerenje pravnog lica „Dilber“ d.o.o. Sarajevo od 04.05.2022. godine koje je sadržavalo neistinite podatke o radnom iskustvu koje je ostvario na rukovodnoj poziciji komercijalnog direktora, svjestan da nikada tu funkciju nije obavljao niti je imao zaključen ugovor o radu ili menadžerski ugovor i da lažno prikazuje činjenice o ostvarenom radnom iskustvu na rukovodnim poslovima, pa nakon što ga je Nadzorni odbor na sjednici imenovao za v.d. direktora Društva počev od 28.09.2023. godine, tu funkciju obavljao sve do 19.02.2024. godine, kada je, nakon provedene konkursne procedure imenovan za direktora Društva, svjestan i znajući da je članom 276. stav 1. Zakona o privrednim društvima FBiH (Sl.glasnik FBiH, broj 75/13) i članom 46. Statuta propisano da direktor odgovara za zakonitost poslovanja i rada, a članom 43. tačka p) i q) Statuta Društva da je Uprava nadležna i odgovorna da provodi zakon, druge propise, Statut, Etički kodeks i druge akte Društva i svjestan odredbe člana 50. stav 1. tačka b) Statuta, znajući da nema traženo radno iskustvo na rukovodnim poslovima, nije podnio ostavku i prestao obavljati funkciju v.d. direktora Društva, čime je svoj lični interes stavio ispred interesa javnog preduzeća, na koji način svjesno i htijući nije obavio svoju dužnost i provodio odredbe Statuta u skladu sa članom 46. i 43. tačka q) Statuta te članom 276. stav 1. Zakona o privrednim društvima FBiH, sve u cilju da ostane na rukovodnoj funkciji, na koju je imenovan na prevaran način, i ostvari imovinsku korist koja iz toga proizilazi, na koji način je sebi u periodu od 28.09.2023. godine do 19.02.2024. godine pribavio protupravnu imovinsku korist, na osnovu funkcije koju nije smio obnašati i na koju nije imao pravo, u iznosu od 20.093,78 KM, a Budžet KS oštetio za isti iznos.

4. Nakon što je dana 05.12.2023. godine, Nadzorni odbor KJKP „RAD“ d.o.o. Sarajevo, u Sarajevu, raspisao konkurs za izbor i imenovanje direktora KJKP „RAD“ d.o.o. Sarajevo, Nijaz Salamović, u to vrijeme v.d. direktora KJKP „RAD“ d.o.o. Sarajevo (dalje u tekstu: Društvo), i službena osoba u Federaciji BiH u skladu sa članom 2. stav 3. KZ FBiH, svjestan i znajući da ne ispunjava uslove za direktora Društva koji su propisani članom 50. stav 1.tačka b) Statuta KJKP „RAD“, broj 1498/23 od 20.01.2023. godine, odnosno da dana 25.01.2024. godine kada je dostavio prijavu na konkurs koja je zavedena pod brojem, nije imao najmanje pet godina radnog iskustva na rukovodećim poslovima već ukupno 4 godine 5 mjeseci i 24 dana radnog iskustva na rukovodećim poslovima s obzirom da je direktor pravnog lica „Dilber“ d.o.o. Sarajevo bio u periodu od 05.08.2020. godine do 09.05.2022. godine, dakle 1 godinu 9 mjeseci i 4 dana, te da je kao v.d. izvršnog direktora za ekonomske i pravne poslove Društva a potom i kao v.d. direktora Društva stekao radno

iskustvo u trajanju od 2 godine 4 mjeseca i 21 dan te 3 mjeseca i 29 dana odnosno u periodu od 06.05.2021. godine do 27.09.2023. godine kao v.d. izvršnog direktora te od 28.09.2023. godine do 25.01.2024. godine kao v.d. direktora Društva, upotrijebio lažnu ispravu Potvrdu pravnog lica „Dilber“ d.o.o. Sarajevo od 23.01.2024. godine, čiji je osnivač bio do 11.12.2023. godine, koju je kao direktor potpisao Edin Salamović, iako isti nije imao svojstvo direktora ovog pravnog lica od 11.12.2023. godine, kada su izvršene izmjene u sudskom registru, te s obzirom da je Potvrda potpisana od neovlaštene osobe, ovo pravno lice se ne može smatrati izdavaocem Potvrde što je čini krivotvorenom ispravom, istu upotrijebio, znajući da je lažna i da sadrži neistinite podatke da je u periodu od 02.05.2016. godine do 04.08.2020. godine obavljao poslove komercijalnog direktora u pravnom licu „Dilber“ d.o.o. Sarajevo svjestan da je navedeni podatak lažan te da navedene poslove nikada nije obavljao niti je sa pravnim licem „Dilber“ ikada zaključio ugovor o radu za radno mjesto komercijalnog direktora ili menadžerski ugovor niti je ostvario radni staž obavljajući poslove komercijalnog direktora pa je navedenu krivotvorenu ispravu upotrijebio dana 25.01.2024. godine dostavivši je uz prijavu na konkurs a sve u cilju da dokaže da ispunjava uslove propisane Statutom Društva i konkursom, znajući da bez navedene lažne potvrde nema najmanje pet godina radnog iskustva na rukovodećim poslovima te kako bi bio imenovan za direktora KJKP „RAD“ d.o.o. Sarajevo, na koji način je doveo u zabludu komisiju za provođenje konkursne procedure da ima radno iskustvo na rukovodnim poslovima u trajanju od najmanje pet godina, a što je uslov za imenovanje u skladu sa članom 50. stav 1. tačka b) Statuta Društva, svjestan da lažno prikazuje činjenice i htijući to, pa je dana 19.02.2024. godine odlukom Nadzornog odbora KJKP „RAD“ d.o.o. Sarajevo, donesenoj na 26. hitnoj sjednici Nadzornog odbora, imenovan za direktora Društva, počev od 20.02.2024. godine na period od četiri godine, koju funkciju i dalje obavlja, znajući da ne ispunjava uslove za direktora Društva, svjesno i htijući to, u namjeri da sebi pribavi korist u vidu radnog mjesta direktora javnog preduzeća i imovinsku korist koja proizilazi iz obavljanja te funkcije, svjestan i znajući da je članom 43. tačka p) i q) Statuta Društva, broj 1498/23 od 20.01.2023. godine propisano da je Uprava nadležna i odgovorna da provodi zakon, druge propise, Statut, Etički kodeks i druge akte Društva, da je članom 50. stav 1. tačka b) Statuta propisano da direktor mora imati najmanje osam godina radnog iskustva u struci od čega najmanje pet godina radnog iskustva na rukovodnim poslovima, svjestan da nema traženo radno iskustvo na rukovodnim poslovima, nije podnio ostavku i pretao obavljati funkciju direktora Društva, čime je svoj lični interes stavio ispred interesa javnog preduzeća, na koji način svjesno i htijući nije obavio svoju dužnost i provodio odredbe Statuta u skladu sa članom 46., kojim je propisano da direktor odgovara za zakonitost poslovanja i rada, članom 43. tačka q) Statuta te članom 276. stav 1. Zakona o privrednim društvima FBiH, sve u cilju da ostane na rukovodnoj funkciji, na koju je imenovan na prevaran način, i ostvari imovinsku korist koja iz toga proizilazi, pa je po osnovu obavljanja te funkcije, koju nije smio obnašati i na koju nije imao pravo, sebi od 20.02.2024. godine do 30.09.2024. godine pribavio protupravnu imovinsku korist u ukupnom iznosu od 36.024.17 KM na ime plata i naknada koje su mu isplaćene, što je i htio, a Budžetu KS nanio štetu u istom iznosu.

Edin Salamović

5. Dana 04.05.2022. godine, u Sarajevu, faktički obavljajući poslove direktora pravnog lica „Dilber“ d.o.o. Sarajevo na osnovu Odluke o promjeni lica ovlaštenog za zastupanje društva „Dilber“ d.o.o. Sarajevo, broj od 20.04.2022. godine, koju je donio osnivač ovog pravnog lica, Salamović Nijaz, i na osnovu Izjave o prihvatanju dužnosti direktora pravnog lica „Dilber“ d.o.o. Sarajevo od 20.04.2022. godine, koju je dao Edin Salamović, na usmeni zahtjev Salamović Nijaza, svjesno i htijući, Edin Salamović, kao direktor i odgovorna osoba u pravnom licu „Dilber“ d.o.o. Sarajevo, u službenu ispravu- uvjerenje kojim se dokazuju činjenice iz poslovne evidencije pravnog lica i koja ima značaj za pravne odnose, bez vjerodostojne dokumentacije odnosno ugovora o radu, menadžerskog ugovora, prijave osiguranja u Poreznoj upravi FBiH i Federalnom zavodu za PIO, svjesno i htijući to, unio neistinite podatke da je Nijaz Salamović u tom pravnom licu obavljao poslove komercijalnog direktora u periodu od 23.01.2013. godine do 04.08.2020. godine te da ukupno radno iskustvo Salamović Nijaza na rukovodećem mjestu iznosi 9 godina 3 mjeseca i 7 dana, na koji način je unošenjem neistinitih podataka u ispravu te svojim potpisom i pečatom pravnog lica, sačinio krivotvorenu službenu ispravu, što je i htio te takvu krivotvorenu službenu ispravu- potvrdu sa neistinitim sadržajem predao Salamović Nijazu koji ju je prvo upotrijebio u maju 2022. godine prije zaključivanja Ugovora o radu za v.d. izvršnog direktora za ekonomske i pravne poslove u KJKP „RAD“ d.o.o. Sarajevo, od 28.06.2022. godine broj:; te ponovo neutvrđenog datuma u septembru 2023. godine, kao dokaz da ispunjava uslove za v.d. direktora KJKP „RAD“ d.o.o. Sarajevo, na koje radno mjesto je imenovan na sjednici Nadzornog odbora održanoj 26.09.2023. godine.
6. Dana 23.01.2024. godine, u Sarajevu, svjestan da od 11.12.2023. godine nema svojstvo direktora pravnog lica „Dilber“ d.o.o. Sarajevo, kada su izvršene izmjene u sudskom registru lica ovlaštenog za zastupanje, na usmeni zahtjev Salamović Nijaza, svjesno i htijući to sačinio lažnu ispravu- Potvrdu pravnog lica „Dilber“ d.o.o. Sarajevo tako što je istu potpisao u svojstvu direktora, a u koju je bez vjerodostojne dokumentacije unio neistinite podatke da je Nijaz Salamović u tom pravnom licu obavljao poslove komercijalnog direktora u periodu od 02.05.2016. godine do 04.08.2020. godine te da ukupno radno iskustvo Salamović Nijaza na rukovodećem mjestu iznosi 5 godina 11 mjeseci i 29 dana na koji način je izdao ispravu sa neistinitim sadržajem i istu potpisao navodeći da ima položaj direktora iako je znao i bio svjestan da je Enisa Salamović direktorica pravnog lica „Dilber“ d.o.o. Sarajevo a ne on, te takvu neovlašteno sačinjenu i potpisanu potvrdu sa neistinitim sadržajem predao Salamović Nijazu koji ju je dana 25.01.2024. godine upotrijebio kao prilog uz prijavu na konkurs za direktora KJKP „RAD“ d.o.o. Sarajevo, dostavljajući je kao dokaz o ispunjavanju uslova za radno mjesto direktora.

Enisa Salamović

7. Dana 15.04.2021. godine, u Sarajevu, obavljajući poslove savjetnika direktora pravnog lica „Dilber“ d.o.o. Sarajevo, kao odgovorna osoba u tom pravnom licu, na usmeni zahtjev Salamović Nijaza, sačinila Uvjerenje koje je potpisala u svojstvu ovlaštenog lica i ovjerila pečatom pravnog lica „Dilber“ d.o.o. Sarajevo a kojim uvjerenjem se dokazuju činjenice iz

poslovne evidencije pravnog lica i koja ima značaj za pravne odnose i koju je Nijaz Salamović dostavio KJKP „RAD“ d.o.o. Sarajevo kao dokaz da ima radni staž na rukovodnom mjestu, svjesno i htijući to, bez vjerodostojne dokumentacije odnosno prijave osiguranja u Poreznoj upravi FBiH i Federalnom zavodu za PIO, unijela neistinite podatke da je Nijaz Salamović u tom pravnom licu obavljao poslove komercijalnog direktora u periodu od 23.01.2013. godine do 04.08.2020. godine te poslove direktora u periodu od 05.08.2020. godine do 15.04.2021. godine (ne navodeći da je i dalje direktor tog pravnog lica), da je ostvario ukupni radni staž na rukovodećem mjestu u trajanju od 8 godina, 2 mjeseca i 22 dana, na koji način je, znajući da je Nijaz Salamović u periodu navedenom u potvrdi bio u radnom odnosu u drugim pravnim licima na puno radno vrijeme i da je po tom osnovu bio prijavljen u Federalni zavod za PIO te da ima radni staž kao komercijalista a ne na rukovodnim poslovima, unošenjem neistinitih podataka u ispravu te svojim potpisom i pečatom pravnog lica, sačinila krivotvorenu službenu ispravu, a koje uvjerenje je Salamović Nijaz najranije 05.05.2021. godine upotrijebio kao dokaz da ispunjava uslove za radno mjesto v.d. izvršnog direktora za ekonomske i pravne poslove u KJKP „Rad“ d.o.o. Sarajevo, tako što ju je dostavio tom pravnom licu.

Čime bi:

Nijaz Salamović, pod tačkama 1., 2., 3. i 4. počinio Zloupotreba položaja ili ovlaštenja iz člana 383. stav 3. u vezi sa stavom 1. KZ FBiH a pod tačkom 1. i krivično djelo Krivotvorenje službene isprave iz člana 389. stav 2. u vezi sa stavom 1. KZ FBiH, pod tačkama 3. i 4. i krivično djelo Prijevара iz člana 294. stav 2. u vezi sa stavom 1. KZ FBiH, te pod tačkom 4. i krivično djelo Krivotvorenje isprave iz člana 373. stav 1. KZ FBiH, a sve u vezi sa članom 54. istog Zakona.

Vera Arnautović, Reuf Sulejmanović, Lejla Dragnić, Mirza Mujarić pod tačkama 1. i 2. počinili krivično djelo Zloupotreba položaja ili ovlaštenja iz člana 383. stav 3. u vezi sa stavom 1. KZ FBiH;

Adelina Džanković, pod tačkom 2. počinila krivično djelo Zloupotreba položaja ili ovlaštenja iz člana 383. stav 3. u vezi sa stavom 1. KZ FBiH

Edin Salamović pod tačkom 5. počinio krivično djelo Krivotvorenje službene isprave iz člana 389. stav 1. KZ FBiH a pod tačkom 6. krivično djelo Posebni slučajevi krivotvorenja iz člana 374. tačka d) KZ FBiH, sve u vezi sa članom 54. istog Zakona.

Enisa Salamović, pod tačkom 7. počinila krivično djelo Krivotvorenje službene isprave iz člana 389. stav 1. KZ FBiH.

Na osnovu člana 71. stav (1) tačka c) KZ FBiH, člana 76. KZ FBiH i člana 420. ZKP FBiH, Tužilaštvo podnosi:

PRIJEDLOGE ZA IZRICANJE SIGURNOSNE MJERE

Tužilaštvo predlaže da se, ukoliko nakon provedenog glavnog pretresa, Salamović Nijaz, Vera Arnautović, Sulejmanović Reuf, Lejla Dragnić, Mirza Mujarić i Adelina Džanković budu oglašeni krivim, prema istima izrekne sigurnosna mjera *zabrana vršenja poziva, aktivnosti ili funkcija* i to:

Zabrana obavljanja poslova bilo kojeg odgovornog lica u državnim organima, javnim preduzećima, javnim ustanovama ili bilo kojim drugim pravnim licima, kojima je na osnovu zakona ili drugog propisa donesenog na osnovu zakona povjereno vršenje javnih ovlaštenja u trajanju od deset godina, računajući od dana pravosnažnosti odluke.

Na osnovu člana 114. KZ FBiH, člana 115. stav (1) KZ FBiH i člana 10. stav (3) Zakona o oduzimanju nezakonito stečene imovine krivičnim djelom Federacije Bosne i Hercegovine (Službene novine Federacije Bosne i Hercegovine, br. 71/14), podnosim:

**PRIJEDLOG
ZA ODUZIMANJE IMOVINSKE KORISTI PRIBAVLJENE KRIVIČNIM DJELOM**

Tužilaštvo predlaže da Sud od Salamović Nijaza presudom trajno oduzme iznos od 145.037,17 KM koji predstavlja imovinsku korist stečenu krivičnim djelom.

**PRIJEDLOG ZA PRIVREMENU MJERU OSIGURANJA
IMOVINSKE KORISTI PRIBAVLJENE KRIVIČNIM DJELOM**

Na osnovu člana 45. stav 2. tačka g) ZKP-a FBiH, člana 114. i 115. KZ-a FBiH i člana 17. stav 1. i stav 2. tačka b) Zakona o oduzimanju nezakonito stečene imovine krivičnim djelom (Sl. novine FBiH br. 71/14), podnosim prijedlog:

Da Sud odredi privremenu mjeru osiguranja imovinske koristi pribavljene krivičnim djelom, tako što će donijeti rješenje kojim se:

Zabranjuje raspolaganje nepokretnostima optuženom **Nijaz Salamović**, rođen 1983. godine, JMBG, prijavljen na adresi, uz zabilježbu zabrane u zemljišnoj knjizi pri Zemljišnoknjižnom uredu Općinskog suda u Sarajevu, i to:

1. Nekretnine- stana, upisan pri Zemljišnoknjižnom uredu Općinskog suda u Sarajevu, politička općina Novi Grad, označen kao broj parcele 2912/1:– dvosoban stan u Sarajevu, ulica, oznaka, ukupne površine 59 m², a koji se sastoji od 2 sobe, kuhinje i pomoćnih prostorija, upisan u izvadak iz knjige položenih ugovora Općinskog suda u Sarajevu, ZK poduložak: 2912 KPU_Novi Grad, u vlasništvu Salamović Nijaza 1/1,

jer postoji opasnost da potraživanje Federacije BiH u pogledu oduzimanja imovinske koristi pribavljene krivičnim djelom neće moći biti ostvareno ili da će njeno ostvarenje biti otežano ako privremena mjera ne bude određena.

Zabrana raspolaganja iz tačke 1. će se zabilježiti u Zemljišnoknjižnom uredu Općinskog suda u Sarajevo.

Mjere osiguranja iz ovog rješenja će trajati 2 (dvije) godine od dana donošenja rješenja ili do druge odluke suda.

PRIJEDLOG ZA DONOŠENJE RJEŠENJA O OPRAVDANOSTI TRAJANJA MJERA ZABRANE NAKON POTVRĐIVANJA OPTUŽNICE

Tužilaštvo predlaže da Sud shodno odredbi člana 140b. stav 4. ZKP-a FBiH prema Salamović Nijazu i Sulejmanović Reufu, nakon potvrđivanja optužnice produži mjere zabrane iz člana 140a. stav 1. tačka a)- **zabrana preduzimanja službene dužnosti i to:**

a) Zabrana preduzimanja službenih dužnosti, i to: za optuženog Nijaza Salamovića preduzimanja službene dužnosti izvršnog direktora i vršioca dužnosti izvršnog direktora, direktora i vršioca dužnosti direktora u KJKP „RAD“ d.o.o. Sarajevo te obavljanje drugih rukovodećih službenih dužnosti u javnim preduzećima i organima uprave javnih preduzeća a na koje bi mogao biti imenovan,

- za optuženog Reufa Sulejmanovića preduzimanje službenih dužnosti predsjednika Nadzornog odbora, vršioca dužnosti predsjednika Nadzornog odbora, člana Nadzornog odbora i vršioca dužnosti člana Nadzornog odbora u javnim preduzećima a na koje bi mogao biti imenovan,

Tužilaštvo predlaže da izrečene mjere zabrane traju dok za to postoji potreba, a najduže do pravosnažnosti presude a da se kontrola opravdanosti trajanja ovih mjera vrši svaka dva mjeseca.

KANTONALNA TUŽITELJICA